

AUGLÝSING

um breytingu á deiliskipulagi í Reykjavík.

Borgartún 33 til 39 – breyting á deiliskipulagi.

Í samræmi við skipulags- og byggingarlög hefur borgarráð Reykjavíkur þann 1. ágúst 2000 samþykkt breytingu á deiliskipulagi fyrir Borgartún 33 - 39.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Kristnibraut 11 til 21 – breyting á deiliskipulagi.

Í samræmi við skipulags- og byggingarlög hefur Skipulags- og byggingarnefnd þann 20. desember 2000 samþykkt breytingu á deiliskipulagi fyrir Kristnibraut 11 - 21.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Reykjavík, 17. janúar 2001.

Þorvaldur S. Þorvaldsson skipulagsstjóri.

17. janúar 2001

Nr. 47

REGLUGERÐ

um breytingu á skipulagsreglugerð nr. 400/1998.

1. gr.

2. gr. 7. orðast svo:

Menntun og reynsla skipulagsfulltrúa og annarra þeirra sem falin er gerð skipulagsáætlana.

Rétt til þess að starfa sem skipulagsfulltrúar hafa þeir sem uppfylla skilyrði 2. mgr. Áður en sveitarstjórn ræður skipulagsfulltrúa skal hún leita umsagnar Skipulagsstofnunar.

Eftirtaldir geta orðið skipulagsfulltrúar:

1. Skipulagsfræðingar sem hlotið hafa heimild iðnaðarráðherra til starfsheitisins samkvæmt lögum um löggildingu nokkurra starfsheita sérfræðinga í tækni- og hönnunargreinum.
2. Arkitektar, byggingarfræðingar, innanhússarkitektar, landslagsarkitektar, rafiðnfræðingar, tæknifræðingar og verkfræðingar sem hlotið hafa heimild til þeirra starfsheita samkvæmt lögum um löggildingu nokkurra starfsheita sérfræðinga í tækni- og hönnunargreinum og hafa sérhæft sig á sviði skipulagsmála í námi eða með starfsreynslu. Með sérhæfingu á sviði skipulagsmála er átt við að viðkomandi hafi lagt stund á nám á sviði svæðis-, aðal- eða deiliskipulags og/eða unnið að svæðis-, aðal- eða deiliskipulagi í a.m.k. tvö ár.

Umhverfisráðherra er heimilt að veita sveitarstjórnnum tímabundna undanþágu frá 1. mgr. þar sem ekki fæst réttindamaður í starfið. Skal slík heimild veitt til eins árs í senn og skal því aðeins framlengd að reynt hafi verið að fá til starfans réttindamann.

Þeir starfsmenn sveitarfélaga sem sinntu skipulagsmálum við gildistöku skipulags- og byggingarlaga skulu hafa rétt til að gegna starfi sínu áfram, þótt þeir fullnægi ekki skilyrðum þeim sem greint er frá hér að framan.

Réttindi til skipulagsgerðar hafa þeir sömu og hafa rétt til að sinna starfi skipulagsfulltrúa.

Skipulagsstofnun gefur út lista yfir þá sem sinna starfi skipulagsfulltrúa og/eða sinna skipulagsgerð. Skipulagsstofnun sendir listann tvisvar á ári til sveitarstjórna.

2. gr.

Reglugerð þessi, sem sett er samkvæmt 10. gr. skipulags- og byggingarlaga nr. 73/1997, með síðari breytingum, öðlast þegar gildi.

Umhverfísráðuneytinu, 17. janúar 2001.

F. h. r.

Magnús Jóhannesson.

Ingimar Sigurðsson.

REGLUGERÐ

um breytingu á reglugerð nr. 785/1999 um starfsleyfi fyrir atvinnurekstur sem getur haft í för með sér mengun, með síðari breytingum.

1. gr.

Fimmtándi liður í 9. tölulið í fylgiskjali 2 orðast svo:

9.15. Rekstur aðstöðu í atvinnuskyni, þ.m.t. útleiga rýmis, fyrir hávaðasama starfsemi sem veldur truflun eða óþægindum. 4-5

2. gr.

Nýr liður bætist við 9. tölulið í fylgiskjali 2 og orðast svo:

9.16. Önnur sambærileg starfsemi. 1-5

3. gr.

Nýr liður bætist við 10. tölulið í fylgiskjali 2 og orðast svo:

10.8 Niðurrif húsa og annarra bygginga.

4. gr.

Reglugerð þessi er sett samkvæmt ákvæðum 5. gr. laga nr. 7/1998 um hollustuhætti og mengunarvarnir, með síðari breytingum. Reglugerðin öðlast gildi við birtingu.

Umhverfísráðuneytinu, 17. janúar 2001.

Siv Friðleifsdóttir.

Magnús Jóhannesson.